

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 12. stav 1. Zakona o trezoru u Federaciji Bosne i Hercegovine („Službene novine Federacije BiH“, broj: 58/02 i 19/03), Poglavlja III, stava 1, tačka 6. Smjernica za uspostavu i jačanje interne kontrole kod budžetskih korisnika („Službene novine Federacije BiH“, broj 19/05) Federalni ministar prostornog uređenja, d o n o s i :

PRAVILNIK

O STRUČNOM OBRAZOVANJU I USAVRŠAVANJU UPOSLENIH

Član 1.

Ovim pravilnikom uređuju se prava i obaveze državnih službenika i namještenika Federalnog ministarstva prostornog uređenja (u daljem tekstu: Ministarstvo) iz oblasti stručnog obrazovanja i usavršavanja u cilju napredovanja u karijeri putem obuke i na druge načine.

Član 2.

Državni službenici i namještenici obavezni su da neprestano rade na svom stručnom obrazovanju i usavršavanju.

Državni službenik i namještenik ima pravo i obavezu učestvovati na savjetovanjima i drugim oblicima obrazovnih aktivnosti.

Član 3.

O učestvovanju državnih službenika i namještenika na savjetovanjima i drugim oblicima obrazovnih aktivnosti odlučuje Federalno ministar prostornog uređenja (u daljem tekstu: Ministar), vodeći pri tom računa o podjednakom učestvovanju svih državnih službenika i namještenika.

Član 4.

U cilju sveobuhvatne obuke službenika i namještenika Ministar je dužan donijeti Plan i program stručnog obrazovanja i usavršavanja državnih službenika i namještenika imajući u vidu potrebu svakog radnog mjesta pojedinačno, znanje i iskustvo uposlenih.

Plan i program obuke iz stava 1. ovog člana Ministar je dužan učiniti dostupnim svim državnim službenicima i namještenicima putem neposrednih rukovodioca u ministarstvu.

Član 5.

Državni službenik i namještenik može samoinicijativno podnijeti pismeni zahtjev Ministru za učešće u konkretnom obliku stručnog obrazovanja i usavršavanja.

Uz zahtjev iz stava 1. ovog člana državni službenik i namještenik dužan je navesti tačno vrijeme održavanja skupa ili obuke, vrijednost skupa ili obuke izraženu novčanim i stručnim pokazateljima, rok trajanja i druge podatke od značaja za pravilnu procjenu o potrebi učešća na skupu odnosno obuci.

Član 6.

Ministar na postavljeni zahtjev iz iz odredbe člana 5. ovog pravilnika daje ili uskraćuje pismenu saglasnost.

Član 7.

U cilju na postavljeni zahtjev iz odredbe člana 5. ovog pravilnika daje ili uskraćuje pismenu saglasnost.

Član 8.

Mladi stručni kadrovi mogu se primiti na stručno osposobljavanje radi polaganja pripravničkog, odnosno stručnog ispita i bez zasnivanja radnog odnosa (volonterski rad), po postupku i na način koji je zakonom predviđen za pripravnike.

Član 9.

Ministarstvo je obavezno prilikom promjena ili uvođenja novog načina ili organiziranja rada, omogućiti uposleniku obrazovanje i stručno usavršavanje.

Član 10.

Ovaj pravilnik stupa na snagu osmog dana od dana donošenja i objavljuje se na oglasnoj ploči ministarstva.

MINISTAR

mr.sc. Salko Obhodaš, s.r.

Broj: 01-02-3-1867/07

Sarajevo, Decembar, 2007. godine